

吉慶廟志

CCO 250.101  
139  
部 = 1240



續

1929

吉慶廨出

中國農民銀行圖書  
LIBRARY OF THE  
FARMERS BANK OF CHINA

光緒元年歲在  
乙亥孟春開  
雕

序

嘗考周禮春官小史掌邦國之志外史掌四方之志而近在省以通志外以專志編書地理類書地志郡縣志印郡縣志史省之史郡縣志印郡縣志史吉安府志自乾隆丙申冬往

吉安府志

卷首

序



襄平盧尹修輯以迄今又歷九十餘年竊意生向水陸之變更城邑之沿革堤防之真廢物產之盛衰典文賦役之重輕政記之得失及丙辰兵燹之及府屬良紳士民婦女殉難殉節之家皆今日之所

已而督日之所無倘因循歲月  
不為修輯至于久而遂廢文  
獻無徵亦守土之責也同記  
庚午徑前守空靜山述曉峯  
特罕卿蔣蕉林誥尹字陳  
大憲在官設局重修延聘劉  
詹巖先生彭翰林周禮部

為從纂尹漫軒誥公或司分  
纂或司圖說究心舊志續增  
新言益前人所缺畧廣以日  
之凡閩庶幾於他日按籍不謬  
舉十屬之輿圖人物展卷瞭  
然所以成一郡之掌故而佐江  
右之治理此胥在是矣乙亥冬

予膺彤篆下車之始以此  
志早徑定將此公次第草  
理與詹巖此君子朝夕討論  
編纂成功矣茲此公請予一  
言以弁卷首故謹後序緣起  
而為之序 昔

光緒二年歲次丙子中憲大夫

吉安府志 卷首 序 三

知吉安府事臨潢鍾珂謹  
撰



重修吉安府志序

志所以備記載也雖郡縣所載不出方隅而山川形勢風土民物非是莫稽志顧不重哉吉安據豫章上游疆域之勝戶口之繁生植之廣爲江右最而人文尤甲於他郡自有宋歐陽文忠文信國以節義文章彪炳宇內嗣後英賢踵接代不乏人然非志乘之作其流風餘韻幾何不湮沒而不存乎考郡志肇於前明迨我

朝一修於順治庚子再修於乾隆丙申迄今志之不修已近百年其間時會之變易風化之盛衰人事之興替與夫忠孝廉節之足以植綱常扶名教者均宜重加蒐輯庶有以彰往而詔來也余承乏是邦越六七稔憶下車伊始適

吉安府志

卷首

序

當兵燹之餘瘡痍未息閭里蕭然日汲汲以興廢舉墜爲務於是修城隍營廟祀葺學校建白鷺書院次第經理悉有成規惟郡志一事久爲缺典時耿耿於中而不能已歲己巳劉大中丞體

聖天子稽古右文之至意飭修通志一書余奉命竊喜上憲之嘉與都人士而又幸私衷之克遂也爰檄各屬相率從事復開局於郡城延鄉耆宿司纂職且籌經費以供日用之需蓋以其事重其功鉅非可漫焉已也乃經營粗就余旋以憂解任致一時盛舉自余經始者未克自余圖終不亦事與願違耶顧嘗聞之莫爲之前雖美弗彰莫爲之後雖盛弗傳余雖草創於前尚願後之官斯土者匡余不

逮相與有成俾是邦之文獻維持以弗替非特大  
有造於吉人也抑亦余之厚幸矣同治辛未知吉安府事長白定  
祥謹撰

吉安府志

卷首

序

二



重修吉安府志序

余官京師時卽留心外間人情風土以爲人有剛柔之異土有躁溼之殊是政教之所由施化理之所自別也而時移勢異數有變更憑之耳聞虞多弗確俟諸目睹慮或難周計惟於紀載簡編搜羅而究核之庶幾瞭指掌而燦列眉焉憶昔公退之餘案牘之暇恒取各省郡縣志時時寓目雖未能徧觀而盡識而流覽之下見者繁矣嘗閱江西通志及豫章書見江右物產之豐盈人材之秀傑有非他省所能及者又閱江西郡縣各志見吉安一郡爲通省望都人物尤盛心嚮慕者久之居無何銓選得守臨江素志斯符且與吉邇謂藉是周咨博訪卽由斯考獻徵文乎蒞

吉安府志

卷首

序

三

任年餘奉 憲檄纂修志書倍愜初衷爰亟提倡禮名儒敦碩彥開局藏事在諸郡先未幾 憲檄復調攝吉郡篆愈欣然若初衷之有神契也昔之披圖按籍者今將親履其地一切見諸施爲況志書之纂亦獲躬與其事也辛未孟秋來吉接篆視事之始以修志致詢乃經始肇端尚在擬議用是亟亟夢寐難安適前任山東學使劉公詹巖主講白鷺書院余延爲總纂俾主局事 公謂省志局事正喫緊慮不克常住吉局余又延 前任福建觀察周公仙舫同爲總纂二公皆郡人責有難辭旣任厥職於是協修分修校對諸人以次定焉余爲擇日開局而余已值移篆方以不克見剗刪之告成爲憾然事已定其規模立其程

式其間殫心瘁慮諸君子自能因始善終焉余又閱舊志固詳且備而缺漏訛舛亦時有之且自髮逆竄擾以來人事之變遷匪一凡所爲較舊志而補綴更正者諸君子自當因事制宜務期於盡美盡善則幸甚矣余雖卽去書成之日例得題數言以弁諸簡端爰製序如左明斯事之始末並表余向日之留心人情風土爲政教化理之本者於此略見一斑豈徒區區翰墨之事而已哉調署吉安府知府長白德馨撰

重修吉安府志序

志擬於史示重也班固作漢史自天文地理以至溝洫刑法咸立志由是以降志三國志十道志九域者不勝紀惟我

朝一統志版圖益廓考證綦詳下逮行省郡縣莫不有志類皆參筆削之微旨補史書之闕遺志顧不重乎哉吉安之志舊矣荆揚二州之域衡山之東庾嶺之北彭蠡敷淺原之上游其山則青原香城金華玉笥其水則鑑湖蜜湖文溪武溪其人則歐陽文忠文信國爲之冠他如胡忠簡楊忠襄羅文莊鄒文莊羅文恭諸公以道德文章勲業者者接踵其物產則有玉版筍抱石魚紫草慈橘之屬其風

吉安府志

卷首

序

五

俗敦龐民務耕織儒術爲盛向之所紀載者莫可殫述雖荆州風土襄陽耆舊茂以加茲顧自乾隆四十一年重修至今百年閱時旣久而事多變遷矧當粵寇肆擾屢遭兵燹川原城郭平陂盛衰之故與夫忠義節烈之湮沒者何可勝道則修志之舉爲尤重癸酉春予以部曹出守是郡甫下車思所以敷施政教者必稽諸往籍乃有所法守昔朱仲智之守吉也廉介自持政刑清簡蘭芳繼之陳本深尚寬簡而黜智巧吏民皆畏服予不敏不能繼前賢之芳躅然心竊嚮往欲一覽舊志之所紀以資考證乃檢視官書蕩然無存竊怪夫文物之邦簡編散佚守藏闕如出治者將何所藉以考證乎抑予聞先賢朱子莅官必修志乘

論者稱其爲政知所重志之不可不修也予用是亟亟焉  
既而披覽繁牘始知奉文興修已三載矣前守定君詳論  
各屬集貲延郡紳彭觀察慶鍾周觀察立瀛相繼總其事  
皆以疾卒是歲之冬稿甫就予乃延劉京堂釋鑒定而勸  
刑部郎中彭世芳昆季捐貲鐫刻志之成有日矣郡紳咸  
問序於予予曰志猶史也必修得其人京堂有史才退歸  
林下者廿餘載其經濟罕所發舒然舊職史氏程度具在  
必能本孟堅之意以修之當不徒網羅散佚實採近事刪  
繁補略已也予知京堂開誠心集眾論事以博之詞以章  
之道以通之法以檢之足以備

國史之採擇以傳不朽官斯土者庶足以考治郡之人士

吉安府志

卷首

序

六

亦有所取則焉諸君其勉襄厥事以期速成其分纂分修  
各姓氏工竣之日備詳於簡端茲不贅特序其緣起云爾  
光緒元年歲次乙亥知吉安府事長白特克紳布序

重修吉安府志序

天下事往往難於創始而易於圖成然亦有克開厥始而不能觀其成者殆亦有時與數存乎其間歟繼洙守信州

時曾與修郡志之役閱十八月而書成所費約而蕙事速其時與數之適相值乎乙亥七月鍾君叔珮珂得

旨簡授吉安守繼洙奉檄先期來攝郡篆下車之後謁我師劉詹巖先生繼洙弱冠為博士弟子員受知於先生及

通籍官京師僅一申弟子儀而先生以養親還鄉里二十餘年又得從容侍几杖質平生所學與政治得失間以廣信府志就正於先生先生喟然曰子於此書可謂有始終者吉安府志官經三任時逾六載迄未成書子宜力成之

吉安府志

卷首

序

七

勿諉為異人任繼洙謹受教亟訪尹湜軒司馬繼美蕭友

松學博鶴齡王與琴廷評鶴書商推考訂謀所以成此書

者尹君曾官山左有德於桑梓說經之學能發前人所未

發蕭王兩君皆博雅淹貫不屑為近時之學其為文典贍

賅洽綱舉目張於此書蓋十得八九惟卷帙既繁諸君子

又精益求精故尚未卒業耳溯自庚午年開局以來前守

定君靜山祥延詹巖師暨彭錫之周仙舫兩觀察為主修

又延訪一郡博雅之士分門修輯定君以憂去官德君小

峰馨由臨江來權斯篆踵而行之所定規制愈加精詳未

幾瓜代去特君罕卿克紳布籌畫精勤知人善任以全書

屬之尹蕭王三君而折衷於我先生克成全稿上之大府

猶恐未盡善也重加釐訂聿觀厥成不意中道殂謝致爲未竟之業良可惜也迨予承乏此間彭周兩觀察已謝世往日在局者亦多星散獨與三君者斟酌損益詳加參考於殘編斷簡中搜羅薈萃俾畢其功我先生實裁成之將付鐫苦於費絀賴彭伯桂農部獨力捐資以成其美杜君采峰道職邦浚總司出納翟君星槎學博秉懋督刊彌嚴其殆全書告成之時矣夫吉州爲西江要郡形勝甲於通省延袤千餘里徵文考獻固不敢留闕略之憾而髮逆肆擾以來忠孝節烈筆不勝書今得成此鉅冊炳炳烺烺蔚爲大觀雖時與數之相值謂非守土者一幸事哉繕刊未完予又調攝洪都鍾君已莅斯土則補其罅漏正其譌舛

吉安府志

卷首

序

八

成美備之觀而無憾者其在鍾君矣至此邦風俗之美人物之盛前序載之已詳故不復贅謹誌其緣起如此

賜進士出身江西廣信府知府調署吉安府事調補南昌府知府曲阜蔣繼洙蕉林甫撰於樟樹舟次

重修吉安府志後序

一統志統各直省以爲志各直省統各府州縣以爲志各府州又統所屬以爲志其兼綜條貫實爲省志之權輿此蓋郡守之事然不能不分其責於本郡之人以其見聞近而考據確也同治九年庚午吉安太守定公奉中丞檄修府志其時繹與彭錫之周仙舫俱在籍定公具關聘相邀會議於郡城於是籌費開局並延訪各屬文士同與編輯規模粗具逾年定公以憂去攝府篆者爲臨江守德公重理局務分任合修未及半載而特公來莅任適繹在省局彭養疴家居惟周以白鷺書院山長領其局各屬紳士咸集次第具草於甲戌冬彙繕成稿解送省局然迫於期限

吉安府志

卷首

後序

僅據各屬鈔本倉猝呈書實未完備無何彭周相繼作古特太守以爲此書必加審定謀之於繹乃復專任尹湜軒蕭友松王與琴三人再加討論務期詳核精確然後付鐫至乙亥八月特公又因病出缺中丞調廣信守蔣公署事並督修府志重經鑒訂催工甚急適以檄調南昌急赴新任十二月今太守鍾公奉

特簡出典是郡下車伊始卽以志事爲先務數蒙致書垂詢約以今歲開篆啟局仲春之朔繹由籍赴郡再邀同人重加修飾編次督刻賴公經營調劑以終此局至是斯志乃克底於成是役也定公經始倡修合十屬醵金四千有奇奈局設數年費用告匱廬陵彭伯桂農部獨任刊費計

二千餘緡俾得鳩工庶事全書五十四卷本舊志而參訂  
增續之藉眾手以集益憶自章程初定以來歷承各郡伯  
倡導督率咸樂從事乃以寒暑迭更人事遷變中間不免  
斷續迨至七年之久而繹也以老耄旅進旅退追隨其間  
幸獲觀成前後情事歷歷可記因述其大略以見成事之  
難云爾光緒二年丙子暮春之初郡人劉繹謹序

吉安府志卷首

綸音

御製臥碑文 順治

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須

吉安府志

卷首

一

互相講究凡利國愛民之事更宜畱心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以  
違制論黜革治罪

一生員不許糾黨多人立盟結社把持官府武斷鄉曲所  
作文字不許妄行刊刻違者聽提調官治罪

諭禁左道惑眾

順治十三年

上諭禮部朕惟治天下必先正人心正人心必先黜邪術  
儒釋道三教並垂皆使人爲善去惡反邪歸正遵王法  
而免禍患此外乃有左道惑眾如無爲白蓮聞香等教  
名色起會結黨夜聚曉散小者貪圖財利恣爲姦淫大  
者招納亡命希謀不軌無知小民被其引誘迷罔顛狂  
至死不悟歷考往代覆轍昭然深可痛恨向來屢行禁

吉安府志

卷首

二

飭不意餘風未殄墮其邪術者實繁有徒京師輦轂重  
地借口進香張幟鳴鑼男女雜糅喧填衢巷公然肆行  
無忌若不立法嚴禁必爲治道大蠹雖倡首奸民罪皆  
自取而愚蒙陷網罹辟不無可憫爾部大揭榜示今後  
再有踵行邪教仍前聚會燒香歛錢號佛等事在京著  
五城御史及地方官在外著督撫按道有司等官設法  
緝拿窮究奸狀於定律外加等治罪如或徇縱養亂爾  
部卽指參處治特諭

諭興教化

康熙九年

上諭禮部朕惟至治之世不專以法令爲務而以教化爲  
先其時人心醇良風俗樸厚刑措不用比屋可封長治